

## "Sámit fertejit leat mielde plánemin, mearrideamen ja ollašuhhtimin sámegiell sodebálvalusaid"

Suoma ráđđehus lea čadaheamen hui stuorra nuppástusaid sosiála- ja dearvvasvuodabálvalusain ja guovlohálddašeamis. Go Sipilä ráđđehusa ođastusat ovdánit, nu goit Sámi Soster -searvi lea gozuid alde. Sii leat váldán garrasit beali sámiid beales sode- ja eanangoddeodastusáššiin.



Suoma ráđđehus lea dahkamin stuorra nuppástusaid sosiálasuorggi hálddahussii, sámit leat fuolas bálvalusain.

Suoma ráđđehus lea čadaheamen hui stuorra nuppástusaid sosiála- ja dearvvasvuodabálvalusain ja guovlohálddašeamis. Go Sipilä ráđđehusa ođastusat ovdánit, nu goit Sámi Soster -searvi lea gozuid alde. [Sii leat váldán garrasit beali sámiid beales sode- ja eanangoddeodastusáššiin.](#)

Stáhtaministtar Juha Sipilä ráđđehus lea sirdimin eanet válldi Suoma eanangottiide guovlodási hálddahussii. Sipilä addá 18 eanangoddái, dego Lappii, iešstivrejumi. Sámiid sajádagt dán stivrenmálles ii leat vel dieđus.

– Gal das vel ollu bargu ahte oažžu dohko rivtteslahkai daid páragrafaid. Ja dálhan daid ferte čállit dan láhkii maid dál leat addime cealkinláhkai. Jos dasa ii olle nu dasto mii oažžut gal loktet giedaid bajás, SámiSoster-searvvi ságadoalli Ristenrauna Magga.

## **Gáibidit ovddasteaddji ja mearridanválddi eanangoddehálddahušii**

Sámi Soster -searvi figgá goit lea gozuid alde. Sii gáibidit, ahte sámiiin galget leat ovddasteaddjit Lappi boahhtevaš iešmearridanorgánain. Muđui sámiaššiid gal healbadit.

– Das ferte leat seammáládje doppe báiki dego lea girkolaščoahkkimis. Muhto dasto lea nubbi ášši ahte, okta olmmoš jos čohkká hálddahušas nu dat ii olus doalvvo, ahte fertelii leat nannoseabbot sámiiid sajádat, oba dan sode-ođastusas, dadjá Ristenrauna Magga.

Sámi Soster -searvi lea erenomáš fuolas das, ahte mo sámeielat sode-bálvalusaide geavvá buot dáid stuorra sode- ja eanangoddeodastusaid siste.

– Olles áigge sápmelaččat fertejit leat plánemin, mearrideamen, ollašuhhtimin dan, ahte mainna ládje bargat. Sodehan dasto oastá daid bálvalusaid, dat lea vuohon eará ášši dat bálvalusaid lágideapmi, muhto dan mearrideamis, plánemis ferte leat sápmelaččain nannosit sajádat, iige dušše olmmoš doppe eanagoddestivrras.



[Martta Alajärvi](#) Yle